

Ilisimatusarnermut Avatangiisinullu Naalakkersuisoqarfik

Att. Tilde Roland Høberg

2. september 2020

Nuummi 2020-imi qaammatini pingasukkaani kingullerni qillerinernik qaartiterinernillu suliaqarnernut piffissamut pilersaarut pillugu

Aallaqqaasiut

VVM-mut akuersissuteqarnermi allassimavoq, *piffissami sanaartorfiusumi qillerinernik qaartiterinernillu suliaqarnerit* ingerlanneqarnissaannut pingaarnernut piffissamut pilersaarummik suliaqartoqassasoq. Piffissamut pilersaarummi qaartiterinermik ingerlatassatut pilersaarutigineqartut nassuiarneqassapput aammalu qaqqami qillerinernut aamma qaartiterinernut piffissat ilaatinneqassallutik. Pilersaarut qaammatinut pingasunut tullernut atuutissaaq aammalu qaartiterinernik suliaqarnerit ingerlatillugit, qaammatit pingasukkaarlugit nutarterneqartassalluni. Nuummi innuttaasut pilersaarut pillugu paasisutissiivigineqassapput, taamaalillutik ingerlatassatut pilersaarutigineqartut pillugit paasisimassallugu.

Allakkiaq manna 2020-imi qaammatikkaat pingasut sisamaanni qillerinernik qaartiterinernillu suliaqarnissanut pilersaarutigineqartunut pingaarnertigut piffissamut pilersaarummik imaqarpoq. Kalaallit Airports qaammatit pingasukkaarlugit piffissamut pilersaarutiminik naapertuuttunngortitsisarpoq, taamaattumik pilersaarut manna 2020-imi oktobarimut, novembarimut aamma decembarimut atuuppoq.

Ilanngussaq 1-imi ilanngunneqartumi suli suliniutip nunaminertaa tamarmiusoq, qaartiterinernik ingerlataqarnissamut tunngatillugu sumiiffinnut arfinilinnut aggulunneqartoq, takussutissiarineqarpoq.

Sumiiffinnut qaartiteriviusussanut nunap assinga takussutissiaq

Suliassap nunaminertaa sumiiffinnut aggulunneqarluni, qaartiterinernik suliaqarnernut pingaarnernut pilersaarut, pingaartumik mittarfimmi ingerlatsinermut qaartiterinermi navianaateqartut iliuseqarfigineqarnissaannut tunngassuteqarput. Sumiiffinnut aggluineq KAIR-ip *entreprenørianit* pingaarnermit – Munck Gruppen A/S kiisalu Munck Civil Engineering A/S (Munck) – suliarineqarpoq aammalu qaartiterinernik ingerlataqarnissamut tunngatillugu suliassap nunaminertaata nunami sumiiffinnut aggulunneqarneranut takutitsilluni. Takussutissiat qaartiterinermut isikkivittaartut KAIR-imit suliarineqarput.

Pingaarnertigut immikkoortut

Mittarfik immikkoortuni pingaarnerni marlunni sananeqassaaq:

- Immikkoortoq 1, 2019-imi oktobarimiit 2021-imi juulimut ingerlanneqassaaq. Taanna suliassap nunaminertaata kjasinnerusortaanut tunngassuteqarpoq. Tassani mittarfissap nutaap affaa siulleq sananeqassaaq. Immikkoortoq 1-imi qaartiterinernik suliaqarnerit pingaarnerit sumiiffinni 1-imi, 2-imi, 5-imi aamma 6-imi ingerlanneqassapput, sumiiffik 3-imi qaartiterinernit pisariaqartinneqannginnerullutik.
- Immikkoortoq 2, 2021-imi juulimiit 2023-imi aggustimut suliarineqassaaq. Tassani mittarfiup ingerlanneqarnera mittarfiup affaanut nutaamut nuunneqassaaq, mittarfik pioreersoq atorunnaarsinneqassaaq aammalu mittarfiup nutaap avannarpasinnerusortaa sananeqassalluni. Qaartiterinermik suliaqarnerit pingaarnerit sumiiffimmi 3-imi, 4-imi aamma 5-imi ingerlanneqassapput.

2020-imi qaammatit pingasukkaat sisamaanni qillerinernik qaartiterinernillu suliaqarnerit pingaarnersai sumiiffik 1-imi, 2-imi aamma 3-imi ingerlanneqassapput, kisianni Siaqqinnerup aqutaanut pilersussamut qaartiterineq sumiiffimmi 4-imi aamma 6-imi aallartissasoq aamma naatsorsuutigineqarluni.

Qaartiterinernik ingerlataqarneq

Akuersissutit qaartiterinernut tungassuteqartut tamarmik piniarneqareerput aammalu qaartiterinernik suliaqarnerit aallartinneqareerlutik. Qaartiterinernik suliaqarnerup annertunersaa sanaartornermut immikkoortumi ukiuni marlunni siullerni ingerlanneqarnissaa naatsorsuutigineqarpoq. Suliassaq maannakkut qaartiterinerit annertunerusut (20.000 m³ sinnerlugu) pingaarnertigut ingerlanneqartussanngorlutik, killiffeqarpoq.

Naatsorsuutigineqarpoq 2020-imi qaammatit pingasukkaat sisamaanni (1. oktober - 31. december 2020) 940.000 m³ tikillugit qaartiterisoqassasoq. Qaartiterinernik suliaqarnerit suliassap nunaminertaata kujasinnerusortaani ingerlanneqarnerussapput, kisianni aamma avannamut kangisissortaani pisinnaassallutik.

Piffissami 22-07 qaartiterisoqartassanngilaq.

Qillerinernik suliaqarnerit 2020-imi qaammatit pingasukkaat sisamaannut qaartiterinissanut pilersaarummut atasut

Munck-ip qillerinernut qamutit arlalissuit qaartiterinissanut qillerinernut atornissaat naatsorsuutigaa aammalu qillerinernik suliaqarneq ataasinngornermiik arfininngornermut, aammalu pisariaqarpat sapaammi, ulloq unnuarlu ingerlanneqassasoq.

SMS atorlugu kiffartuussineq

Kalaallit Airports SMS atorlugu kiffartuussinermik pilersitsivoq, tassani innuttaasut paasisutissinneqarnissamik kissaateqartut ilanngutsissinnaallutik, aammalu qaartitsinissaq sioqqullugu paasisutissinneqarsinnaallutik. Aaqqissuussinermut taamaattumut qanoq ilanngutsissinnaanerluni paasisutissat Kalaallit Airports A/S-ip nittartagaani ikkunneqassapput.

Ilanngussaq 1 – Munck-ip 2020-imi qaammatit pingasukkaat sisamaanni sumiiffiit qaartiterivissai.

Qaartiterivissat: 01/10-31/12 -2020

Takussutissiaq 1	Sumiiffiit 1, 6					
Ataas.	Marl.	Pingas.	Sisam.	Tallim.	Arfinin.	Sapaat
08-21	08-21	08-21	08-21	08-21	08-21	08-21


Qaartiterivissat: 01/10-24/10 -2020

Takussutissiaq 2	Sumiiffiit 2, 3, 4					
Ataas.	Marl.	Pingas.	Sisam.	Tallim.	Arfinin.	Sapaat
	11-12.30	11-12.30	11-12.30		11-12.30	11-12.30

Qaartiterivissat: 25/10-31/12 -2020

Takussutissiaq 2	Sumiiffiit 2, 3, 4					
Ataas.	Marl.	Pingas.	Sisam.	Tallim.	Arfinin.	Sapaat
	10-11.30	10-11.30	10-11.30		10-11.30	10-11.30

SUMIIFFIIT QAARTITERIVIUSSAT



- Forslag til ekstra udsprængning / Proposal for extra blasting
- Nedsprængningsområde / blasting area
- Områdeopdeling / area division
- Eksisterende landingsbane / existing runway

2020-imi qaammatit pingasukkaat sisamaanni qillinerinik qaartiterinillu suliaqarnerup pingaarnersaa sumiiffinni 1-imi, 2-imi aamma 3-imi ingerlanneqassaaq, kisianni aamma Siaqqinnerup aqqusinissaanut pilertussamut qaartiterineq aamma sumiiffimmi 4-imi aamma 6-imi aallartissasoq naatsorsuutigineqarluni.